

ՆՈՐ ԶՈՒՂՍ

ՏԵՂԵԿԱՏՈՒ ՄՂԱՆԱՆԻ ՀԱՅՈՑ ԹԵՄԻ ԺԳ ՏԱՐԻ, ԹԻԲ 109, ՅՈՒՆԻՍ-ՕԳՈՍՏՈՍ 2015



«ԺԱՂԱՂՈՒԹԻՒՆ ԵՒ ՄԻԱՄՆՈՒԹԻՒՆ» ՄԱՆԿԱ-ՊԱՏԱՆԵԿԱՆ ՄԻԶԱԶԳԱՅԻՆ ՓԱՌԱՏՕՆԸ ՆՈՐ ԶՈՒՂԱՅԻ ՀԱՅՈՑ ԱԶԳԱՅԻՆ ԿՐԹԱՀԱՄԱԼԻՐՈՒՄ

«Մանուկ եւ տեւական խաղաղութիւն» հաստատութեան նախաձեռնութեամբ եւ Թեմիս Թեմական Խորհրդի համագործակցութեամբ «Մանուկ, խաղաղութիւն եւ միասնութիւն» կարգախօսով մանկա-պատանեկան միջազգային փառատօնի բացումը տեղի ունեցաւ երեքշաբթի՝ 2015 թականի օգոստոսի 18-ի առաւօտեան ժամը 9:30-ին, Նոր Զուղայի Հայոց ազգային կրթահամալիրի «Ալեմուշ Տէրեան» սրահում:

լի խափ առողջ անն ու զարգացումը համարեցին ծնողների, դաստիարակների եւ պատասխանատուների կարեւորագոյն պարտականութիւններից մէկը:



Հայաստանից եւ Իրանի Ահաւազ եւ Սպահան քաղաքներից հրաւիրած միաստուածեան կրօններին դասնող աւելի քան հարիւր երեխաների եւ պատանիների մասնակցութեամբ տեղի ունեցած բացման արարողութեանը ներկայ էին Սպահան քաղաքի ընդհանուր քաղաքապետ դկտ. Մեհրի Զամալիներժաղը, Մշակոյթի եւ իսլամական առաջնորդութեան գերատեսչութեան գլխաւոր տնօրէն հոջ. դկտ. Առզանին, Ազգային առաջնորդարանի պատասխանատուները, միաստուածեան կրօնների ղեկավարներն ու ներկայացուցիչները եւ պետական հրաւիրեալներ:

Յաջորդի միաստուածեան կրօնների պատանի ներկայացուցիչների կողմից իրենց մայրենի լեզուով ընթերցեցին եւ թարգմանեցին իւրաքանչիւր կրօնի Սուրբ Գրքից հատուածներ՝ խաղաղութեան, համակեցութեան եւ գեղեցիկ աշխարհ կառուցելու կապակցութեամբ:



Ծրագիրն սկիզբ առաւ աղօթքով, որին յաջորդեց Իրանի Իսլ. Հանրապետութեան պետական դրօշի ծածանումն ու հիմնի հնչումը:

Ելոյթների շարքն աւարտեց Սպահանի հայոց թեմի թեմակալ առաջնորդ գերշ. Տ. Բարբէն արք. Զարեանի պատգամով, որն ընթերցեց Թեմական խորհրդի ատենապետ պրն. Վրէժ Տէր Մարտիրոսեանը: Թեմակալ առաջնորդն իր ուղերձում շեշտելով նոր սերնդի առողջ դաստիարակութեան կարեւորութիւնը, կոչ էր ուղղել բոլորին գորգուրել մանուկներին ու պաշտպանել նրանց իրաւունքները: Գերշ. Սրբազան Հայրը խօսելով խաղաղութեան մասին, ընդգծել էր, որ Իրանը մշտապէս եղել է խաղաղութեան կողմնակից ու պատշապան, եւ որ այդ կեցածքը պէտք է օրինակ ծառայի ամբողջ աշխարհին:

Ծրագրի ընթացքում դասախօսութիւններով հանդէս եկան քաղաքապետ դկտ. Մեհրի Զամալիներժաղը եւ դկտ. Առզանին, ովքեր շեշտեցին մանուկ-պատանիների դերն ու արժէքը՝ երաշխաւորած, կայուն, ինչպէս նաեւ խաղաղ գոյակցութեան եւ փոխ-գործակցութեան հիման վրայ ապագայ կերտելու ուղղութեամբ, միաժամանակ մարդկային հասարկութեան այս նուրբ ու խոցելի:

Փառատօնի բացման արարողութիւնն ուղեկցեց դպրոցի բակում խաղաղութեան աղանիներ թօցնելով, որից յետոյ տեղի ունեցաւ հիւրասիրութիւն:

Հիւրասիրութիւնից անմիջապէս յետոյ, Հայոց դպրոցի սրահում եւ դասարաններում սկսեցին փառատօնի

աշխատանքային բաժինները:



Մասնակից մանուկ-պատանիները խմբերի բաժանաճ, պատասխանատուների եւ ուղեցույցների առաջնորդութեամբ սկսեցին եօրեայ իրենց աշխատանքը՝ ստեղծելու մանուկ, խաղաղութիւն եւ միասնութիւն թեմաներով գործեր, որոնք փառատօնի աւարտին ներկայացուցին հանրութեանը՝ ցուցահանդէսի միջոցով:



Փառատօնի ընթացքում մասնակիցները զբաղւեցին նկարչութեամբ, դիմակի պատրաստմամբ, ժողովրդական-տեղական խաղերով, քոլաժով, պատմասացութեամբ, թատրոնով, երգով, գրքերի պատրաստմամբ եւ արեստի այլ տեսակներով:

Փառատօնն իր աշխատանքն աւարտեց հինգշաբթի՝ 2015 թականի օգոստոսի 20-ի միջօրէին, Նոր Ջուղայի Հայոց ազգային կրթահամալիրի «Ալեմուշ Տէրեան» սրահում:



Ծրագրին ներկայ էին Մշակույթի եւ իսլամական առաջնորդութեան Սպահանի գերատեսչութեան գլխավոր տնօրէն հոջ. դկտ. Առզանին եւ նոյն հաստատութեան կրօնական փոքրամասնութիւնների բաժնի տնօրէն պրն. Թաբաթաբային, Իրանի իսլ. խորհրդարանում Սպահանի պատգամատուր դկտ. Քամոանը, Սպահանի հայոց թեմի Թեմական խորհրդի ատենապետ պրն. Վրէժ Տէր-Մարտիրոսեանը, քահանայ հայրեր, Ազգա-

յին առաջնորդարանի պատասխանատուներ եւ պետական մի շարք հրաւիրեալներ:



Փառատօնի փակման արարողութեան ընթացքում, մասնակից մանուկ-պատանիները, խմբերի բաժանաճ, ներկայացրին անցնող երկու օրերի ընթացքում փորձաճ, երբեմն իրենց հեղինակած երաժշտութեան, երգի, բանաստեղծութեան, թատրոնի եւ գեղարւեստական այլ ոլորտներին պատկանող աշխատանքները, որոնք մասնակից կրօնների մէկական ներկայացուցիչներից բաղկացած իրաւարար կազմի կողմից բոլորն էլ գնահատուցին շատ լաւ:



Ընթացքում Հոջ. դկտ. Առզանիի, դկտ. Քամոանի եւ «Սաբէին Մանդայի» (Յովհաննէս Մկրտչի հետեւորդներ) կրօնական համայնքի ղեկավար պրն. Չոհէլլիի միջոցով յուշանէրներ շնորհուցին փառատօնի կազմակերպիչներին, պատասխանատուներին, ուսուցիչներին եւ համագործակցած կազմերի պատասխանատուներին, որից յետոյ պրն. Ռուբէն Խաչիկ-Գրիգորեանի միջոցով ընթերցեց փառատօնի հոշակագիր-յայտարարութիւնը:



Փակման ծրագրից յետոյ, ներկաներն այցելեցին փառատօնի մասնակիցների ձեռքի աշխատանքներից պատրաստած ցուցահանդէսը:

ՆՈՐ ԶՈՒՂԱՅԻ ՈՒՆՏԱԻՈՐՆԵՐԸ ՄԱՍՆԱԿՑԵՑԻՆ ՄԻՒՌՈՆՅՈՐՀՆԷՔԻ ԱՐԱՐՈՂՈՒԹԵԱՆԸ

Սպահանի հայոց թեմի թեմակալ առաջնորդ՝ գերշ. Տ. Բարգէն արք. Չարեանի հովանաւորութեամբ եւ թեմիս Կրօնական խորհրդի նախաձեռնութեամբ, թուով 51 ուխտաւորներ Նոր Զուղայից եւ Թեհրանից, 2015 թականի յուլիսի 17-ին մեկնեցին Լիբանան՝ մասնակցելու Սրբալոյս Միւռոնի օրհնութեան արարողութեանը՝ նիրաւ չայց Ցեղասպանութեան 100-ամեակին:

Իբրեւ պատասխանատու ուխտաւորներին առաջնորդում էր Ծահիճշահրի հոգեւոր հովիւ՝ Հոգեշնորհ Տ. Անանիա վրդ. Գունանեանը:



Միւռոնօրհնէքին մասնակցելուց բացի, ուխտաւորների համար առիթ ստեղծեց այցելելու Լիբանանի տեսարժան վայրեր եւ ուխտատեղիներ:

Համաձայն ծրագրի, խումբը շաբաթ՝ յուլիսի 18-ի երեկոյեան մասնակցեց Սրբալոյս Միւռոնի օրհնութեան արարողութեանը: Յատկանշական է սոյն արարողութեան կնքահայրն էր թեմի Պատգամաւորական ժողովի դիւանի ատենապետ՝ Վարուժ Մինասեանը:



Յաջորդ առաւօտեան ուխտաւորները մասնակից դարձան Ն.Ս.Օ.Տ.Տ. Արամ Ա Վեհափառ Հայրապետի նախագահութեամբ Անթիլիասի Ս. Գրիգոր Լուսաւորիչ Մայր Տաճարում մատուցած Ս. եւ Անմահ Պատարագին, նոր օրհնած Սրբալոյս Միւռոնով կատարւած ջրօրհնէքի արարողութեանը եւ վերջապէս քրիստոնեայ բոլոր հոգեւոր պետերի եւ եկեղեցական ներկայացուցիչների մասնակցութեամբ տեղի ունեցած միջ-եկեղեցական աղօթքին՝ նիրաւ չայց Ցեղասպանութեան նահատակ սրբերին: Այնուհետեւ այցելելով Սպահանի Հայոց թեմի 24 տարիների նախկին առաջնորդ՝ գերշ. Տ. Կորիւն արք. Պապեանի շիրիմին, հաւաքական աղօթք բարձրացրին առ Աստուած, նրա հոգու խաղաղութեան համար:

Խումբն Այնճար հայաբնակ գիւղ ժամանեց յուլիսի

20-ին, որտեղ այցելեց տեղի հայկական դպրոցը, եկեղեցին եւ Մուսա լեռան 40-օրւայ հերոսամարտի յիշատակին կանգնեցւած յուշակոթողը: Խումբն այցելեց նաեւ Այնճարի բերդը եւ ծանօթացաւ այդ պատմական վայրի պատմութեանը:



Երեքշաբթի օրը բաւական յուզիչ ու տպաւորութիւններով լի էր ուխտաւորների համար, քանի որ նրանք այցելեցին Մեծի Տանն Կիլիկիոյ Կաթողիկոսութեան խնամքի ներքոյ գործող «Թոշնոց Բոյն» հաստատութիւն եւ Հայոց Ցեղասպանութեան Որբերի «Արամ Պէզիքեան» թանգարան, որի բացումը կատարւել էր յուլիսի 18-ին եւ ծանօթացան ցուցադրւած իրերին եւ նկարների:



Յուլիսի 22-ին ուխտաւորներին առիթ ընձեռուեց հանդիպելու Ն.Ս.Օ.Տ.Տ. Արամ Ա Վեհափառ Հայրապետի հետ: Հանդիպման ընթացքին ուխտաւորներն իրենց յուզող խնդիրների կապակցութեամբ հարցեր ուղղեցին Վեհափառ Հօրը եւ ստացան պատասխաններ: Խումբն արժանացաւ վեհափառ հայրապետի օրհնութեանը եւ լուսանկարեցին:

Յաջորդ օրը խմբի անդամներն այցելեցին Բուրջ Համուդ հայկական թաղամաս: Առիթ ունեցան նաեւ այցելելու Լիսբոնի հինգ մարտիկների գերեզմանը եւ տեղի «Ազգակ» օրաթերթի շէնքը:

Ուխտաւորները Նոր Զուղա վերադարձան բարձր տպաւորութիւններով ու յուշերով: Աստուած բոլորի ուխտը ի կատար ածէ:

ՀՈԳԵՀԱՆԳԻՍՏ ԵՒ ՅՈՒՇԵՐԵԿՈՅ՝ ՀՈԳԵԼՈՅՍ ԿՈՐԻՒՆ Ս. ԱՐՔ. ՊԱՊԵԱՆԻ ՎԱԽՏԱՆՄԱՆ ՔԱՌԱՍՈՒՆՔԻ ԱՌԹԻՒ

Սպահանի հայոց թեմի Կրօնական խորհրդի կազմակերպությամբ, հինգշաբթի՝ 2015 թականի յուլիսի 2-ի երեկոյեան ժամը 7:30-ին, Նոր Զուղայի Ս. Բեթղեմի եկեղեցում տեղի ունեցաւ Հոգեհանգստեան արարողութիւն եւ յուշերեկոյ՝ հոգեւոյս Կորիւն Ս. արք. Պապեանի մահուան քառասօրեակի առթիւ: Ծրագրին ներկայ էին Թեհրանի հայոց թեմի թեմակալ առաջնորդ գերշ. Ս. Սեպուհ արք. Սարգսեանը, Սպահանի հայոց թեմի թեմակալ առաջնորդ գերշ. Ս. Բարգէն արք. Զարեանը, Սպահանի եւ Թեհրանի հայոց թեմերի ազգային իշխանութեան ներկայացուցիչները, Իսլամական մշակոյթի եւ առաջնորդութեան Սպահանի գերատեսչութեան գլխաւոր տնօրէն հոջ. դկտր. Առզանին, Սպահանի հայոց թեմի հոգեւորականաց դասը եւ հոծ թուով հայորդիներ:

Կրօնական արարողութիւնից յետոյ, անմիջապէս սկսեց յուշերեկոյի համար նախատեսուած յայտագիրը՝ Շահինշահրի հայ համայնքի հոգեւոր տեսուչ հոգշ. Ս. Անանիա վրդ Գունանեանի հաղորդավարութեամբ: Սկզբում հոգշ. Հայր Սուրբն անդրադառնալով հոգեւոյս Կորիւն արք. Պապեանի նկարագրի եւ բնաւորութեան որոշ գծերին, հակիրճ կերպով ներկայացրեց նրա կենսագրականն ու գործունէութիւնը: Հոգշ. Հայր Սուրբն իր խօսքի ընթացքում ներկաներին ծանօթացրեց հոգեւոյս Կորիւն Սրբազանի երեք ուսումնասիրական յօւսածներից կազմուած գունազարդ գիրքը, որը ծրագրի սկզբում բաժանել էր եկեղեցի մուտք գործողներին: Գիրքը հրատարակել էր Սպահանի հայոց թեմի Կրօնական խորհրդի նախաձեռնութեամբ:



Սկզբում Թեհրանի եւ Սպահանի հայոց թեմերի առաջնորդների միջոցով, մասնակցութեամբ Սպահանի հայոց թեմի հոգեւորականաց ու դպրաց դասերի եւ երգեցողութեամբ Ս. Ամենափրկչեան վանքի «Կոմիտաս» երգչախմբի, ղեկավարութեամբ՝ մայեստրօ Արմէն Ամիրխանեանի, տեղի ունեցաւ Հոգեհանգստեան արարողութիւն:


Յուշերեկոյն շարունակեց հոգեւոյս Կորիւն արք. Պապեանի օրօք եւ նրա ջանքերով կեանքի կոչուած Ս. Ամենափրկչեան վանքի «Տաթեւ» երգչախմբի ներկայացրած հոգեւոր տաղերի եւ շարականների մեներգութեամբ եւ խմբերգերով, ղեկավարութեամբ մայեստրօ Համիկ Ալեքսանդրեանի:



Երգչախմբի ներկայացմանը յաջորդեց հոգեւոյս Կորիւն արք. Պապեանի Սպահանի հայոց թեմի առաջնորդական ժամանակաշրջանին պատկանող լուսանկար-

ճերի եւ տեսագրութիւնների տեսանիւթի ցուցադրումը՝ ներկաների յուշերի մէջ վերարթնացնելով հոգելոյս Սրբազան Հօր կեանքի 24 տարիների գեղեցիկ պահերն ու գործունէութիւնը:

Յաջորդիւ հրաւիրեց Սպահանի հայոց թեմի Թեմական խորհրդի ատենապետ պրն. Վրէժ Տէր Մարտիրոսեանը, ով ներկայացնելով հոգելոյս Կորիւն արք. Պապեանի յատկութիւնները եւ յիշելով նրա առաջնորդական ժամանակաշրջանից դէպքեր եւ յուշեր, բախտատուր համարեց Նոր Զուղան, որ հանդիպած ծանր ու դժուար օրերին՝ յեղափոխութիւն, Իրաք-Իրան ութամեայ պարտադրեալ պատերազմ, ներհամայնքային երկպառակութեան ժամանակաշրջան եւ այլն, ունեցել է խոհեմ եւ ժրաջան առաջնորդ, ով կարողացել է իմաստուն կերպով ղեկավարել համայնքն ու Թեմի եկեղեցա-կրօնական կեանքը, եւ նույնիսկ չի վարանել ռազմադաշտ գնալ ու խրախուսել հայ եւ պարսիկ քաջարի ռազմիկներին:



Մայեստրօ Արմէն Ամիրխանեանի ղեկավարութեամբ, Ս. Ամենափրկչեան վանքի «Կոմիտաս» երգչախմբի ներկայացրած տաղերի եւ շարականների երգեցողութիւնը գեղեցիկ շարունակութիւն եղաւ ծրագրի համար:



Ապա, յատուկ յուշերեկոյին մասնակցելու համար Թեհրանից հրաւիրուած Թեհրանի հայոց թեմի թեմական

առաջնորդ գերշ. Տ. Սեպուհ արք. Սարգսեանն իր խօսքը փոխանցեց ներկաներին՝ իր հոգետուր եղբոր եւ ուսուցչի՝ հոգելոյս Կորիւն արք. Պապեանի կեանքն ու գործունէութիւնը որակելով ամբողջական ծառայութիւն եւ նւիրում, որով նա շահել է այն բարի անունը, որը դեռ երկար մնալու է նրան ճանաչող անձանց յուշերում: Գերշ. Սրբազան Հայրը խօսեց նաեւ հոգելոյս Կորիւն արք. Պապեանի գիտական եւ մտաւորական գործունէութեան մասին, որոնք նա կատարեց ամենայն պատասխանատուութեամբ եւ լրջութեամբ:



Յուշերեկոն եզրափակեց Սպահանի հայոց թեմի թեմական առաջնորդ գերշ. Տ. Բաբգէն արք. Չարեանը՝ իր հայրական խօսքով:



Թեմական առաջնորդն իր գնահատանքն ուղղեց յուշերեկոյի կազմակերպման համար աշխատած բոլոր անձանց, ապա անդրադարձաւ հոգելոյս Կորիւն արք. Պապեանի ծառայութեանը՝ իբրեւ Կիլիկիոյ Կաթողիկոսութեան միաբանութեան հաւատարիմ եւ արժանաւոր անդամ, ով եկեղեցու ճամբով իր լաւագոյն սպասարութիւնը բերեց իր ժողովրդին եւ Աստծուն: Նա իր խօսքի մէջ շեշտեց, որ Կեանքը խորհուրդ խորին է եւ ժամանակներն իրենց համապատասխան եւ անհրաժեշտ մարդկանց են ծնունդ տալիս: Եւ այդպէս եղաւ ու ընթացաւ հոգելոյս Կորիւն Սրբազանի կեանքը, եզրափակեց գերշ. Բաբգէն Սրբազանը:

ՅԻՍՈՒՍ ՔՐԻՍՏՈՍԻ ԱՅԼԱԿԵՐՊՈՒԹԵԱՆ ՏՕՆԻ ԱՌԹԻ ՍՈՒՐԲ ԵՒ ԱՆՄԱՀ ՊԱՏԱՐԱԳ՝ ՍՊԱՀԱՆԻ ՀԱՅՈՅ ԹԵՄԻ ԵԿԵՂԵՑԻՆԵՐՈՒՄ

Մեր Տիրոջ՝ Յիսուս Քրիստոսի Այլակերպութեան տօնի (Վարդավառ) առթիւ կիրակի՝ յուլիսի 12-ի առաւօտեան, Փերիոյ գաւառի հաչաբնակ Բոլորան գիւղի Ս. Ղուկաս եկեղեցում, նախագահութեամբ Սպահանի հայոց թեմի առաջնորդ գերշ. Տ. Բաբգէն արք. Չարեանի մատուցեց Ս. եւ անմահ Պատարագ: Օրայ պատարագիչն էր արժն. Տ. Վարդան քինյ. Աղաբաբայեանը, իսկ արարողութեանը մասնակցում էին Շահինջահրի հայ համայնքի հոգեւոր տեսուչ հոգշ. Տ. Անանիա վրդ. Գունանեանը, արժն. Տ. Խաչատուր քինյ. Ջարգարեանը եւ դպրաց դասը: Երգեցողութիւնը կատարեց Ս. Ամենափրկչեան վանքի «Կոմիտաս» երգչախմբի միջոցով՝ ընկերակցութեամբ Ս. Ամենափրկչեան վանքի «Տաթեւ» երգչախմբի անդամները:

մեց նաեւ՝ տօնի խորհրդով փոխել, այլակերպել, սրբել ու մաքրել՝ Քրիստոսի ներկայութիւնն զգալու եւ կեանքը քրիստոնեային վայել կերպով շարունակելու համար:



Գերշ. Տ. Բաբգէն արք. Չարեանն իր խօսքի աւարտին շնորհակալութիւն յայտնելով Բոլորան գիւղի եկեղեցու նախկին վարչութեանը, ուժ ու կորով մաղթեց նորանջանակ կազմին՝ գիւղը եւ եկեղեցին պայծառ պահելու գործում:

Եկեղեցական արարողութիւնից յետոյ առաջնորդ Սրբազան Հայրն այցելեց գիւղի շրջապատում վրանների մէջ օթեան գտած ժողովրդին եւ մասնակից լինելով նրանց ուրախութեանը, փոխանցեց իր օրհնութիւնը:



Եկեղեցում ներկայ էին Բոլորան գիւղի հայ համայնքի անդամներն ու Վարդավառի տօնը նշելու նպատակով գիւղում կեցութիւն հաստատած Նոր Զուղայից, Շահինջահրից, Թեհրանից եւ այլ շրջաններից ժամանած հայորդիներ:

Յընթացս Ս. Պատարագի թեմակալ առաջնորդ Սրբազան Հայրն օրան պատշաճ իր հայրական պատգամը փոխանցեց հաւատաւոր ժողովրդին: Նա անդրադառանալով Թափոր լեռան վրայ Քրիստոսի պայծառակերպութեանը եւ այլակերպութեան պահին երկնքից լուսած Աստծու վկայութեանը՝ «Սա է իմ սիրելի Որդին, Նրան լսեցէք», աւելացրեց. «Քրիստոսը Թափոր լեռան վրայ, Իր աշակերտների դիմաց, Իր աստաճային փառքով եւ տեսիլքով այլակերպեց ու պայծառակերպեց, որպէսզի աշակերտները եւ նրանց միջոցով ամբողջ մարդկութիւնը ճանաչի ու տեսնի, որ Քրիստոսը եկել է մարդու համար, մարդու հետ լինելու եւ մարդուն դէպի փրկութիւն առաջնորդելու»:

Սրբազան Հայրն իր քարոզի երկրորդ բաժնում նշելով, որ Այլակերպութեան տօնի պատգամը Աստծու հետ զօրանալը, մենութեան մէջ Աստծու հետ խօսելը, աղօթելն ու սրբանալն է, ներկաներին յորդորեց տօնի աւանդական սովորութիւնները, յատկապէս միմեանց վրայ ջուր ցանելու սովորութիւնը, ծայրայեղութեան չտանել եւ տօնն իր իմաստից չչարապել: Նա պատգա-



Այլակերպութեան տօնի առթիւ Ս. եւ անմահ Պատարագ մատուցեց նաեւ Նոր Զուղայի Ս. Յովհաննու եկեղեցում՝ ձեռամբ արժն. Տ. Վազգէն քինյ. Քէօշկերեանի եւ երգեցողութեամբ «Շուշանիկ» հոգեւոր երգչախմբին, որին ընկերակցում էին նաեւ Ս.Ա. Վանքի «Կոմիտաս» երգչախմբի անդամներից: Արարողութեանը մասնակցում էին նաեւ արժն. Տ. Մեսրոպ ա. քինյ. Գալստանեանն ու դպրաց դասը: Պատարագիչ քահանան քարոզի պահին անդրադառնալով Այլակերպութեան դրագին, շեշտեց աղօթքի կարեւորութիւնը, որի միջոցով մարդ այլափոխելու եւ սրբակեցնող ընթացք է որդեգրելու իր կեանքի ընթացքում:

Ս. ԱՄԵՆԱՓՐԿՉԵԱՆ ՎԵՐԱՓՈՒՄԱՆ ՏՕՆԻ ԱՌԹԻՒՄԻ Ս. ԵՒ ԱՆՄԱՀ ՊԱՏԱՐԱԳ՝ ԽՈՅԳԱՆ ԳԻՒԴԻ ՀԱՄԱՆՈՒՆ ԵԿԵՂԵՉՈՒՄ

Հայ առաքելական եկեղեցու հինգ տաղաւար տօներից Ս. Աստուածածնի վերափոխման տօնի առթիւ, ուրբաթ՝ օգոստոսի 14-ի առաւօտեան, Փերիա գաւառի Խոյգան գիւղի Ս. Աստուածածին եկեղեցում Ս. եւ անմահ Պատարագ մատուցեց նախագահութեամբ Սպահանի հայոց թեմի առաջնորդ գերշ. Տ. Բաբգէն արք. Չարեանի: Օրւայ Պատարագիչն էր արժն. Տ. Խաչատուր քհնյ. Ջարգարեանը, իսկ արարողութեանը մասնակցում էին նաեւ թեմի դպրաց դասը: Ընթացքում շարականների երգեցողութեամբ հանդէս եկան Ս. Ամենափրկչեան վանքի «Կոմիտաս» երգչախմբի ծիսական խմբի անդամուհիները:



Հոգեպարար արարողութեանը ներկայ էին Սպահանի հայոց թեմի Թեմական խորհրդի ատենապետ պրն. Վրէժ Տէր Մարտիրոսեանն ու Կրօնական խորհրդի անդամ պրն. Սաքօ Տէր Յովհաննիսեանը, որոնք ընկերակցելով Սրբազան Հօրը Սպահանից ժամանել էին Խոյգան գիւղ, եւ հոծ թուով հաւատացեալ ուխտաւորներ:



Ս. Պատարագի ընթացքում գերշ. Տ. Բաբգէն արք. Չարեանն օրւայ խորհրդին առնչող իր քարոզում հակիրճ անդրադարձ ունենալով Ս. Կոյսի կեանքին՝ կարեւորութեամբ ընդգծեց նրա յաւերժ կուսութեան եւ Աստուածամայր լինելու ճշմարտութիւնը՝ նշելով նաեւ, որ Ս. Աստուածածնի վերափոխման տօնի օրը ոգեկոչւում է Տիրամօր երկինք փոխադրուելու յիշատակը: Այնուհետեւ նա իր խօսքի շարունակութեան մէջ կարեւորելով Կոյսի մայրութեան տիպար լինելու փաստը, անելացրեց. «Ս. Կոյս Մարիամի կեանքի տիպար օրինակը բոլոր կա-

նանց ու մայրերին ասում է, թէ իրենց կեանքն ապրեն Աստուածամօր օրինակով՝ անարատութեամբ, սրբութեամբ, համբերութեամբ, հաւատով ու աղօթքով»:

Քարոզի մի այլ բաժնում գերշ. Սրբազան Հայրը ներկաներին յորդորեց՝ հաւատքի ներշնչման աղբիւրի այս տօնին վերանորոգել եւ զօրացնել իրենց հաւատը:



Վերջում գերշ. Տ. Բաբգէն արք. Չարեանը շնորհատրանքի խօսք փոխանցելով Ս. Կոյսի վերափոխման եւ յատկապէս Խոյգան գիւղի Ս. Աստուածածին եկեղեցու անւանակոյթեան տօների կապակցութեամբ, օրւայ արարողութեան մատուցման համար ողջունեց հոգեւորական դասի եւ երգեցիկ խմբի կատարած աշխատանքը: Նա ողջոյնի խօսք ուղղելով նաեւ Խոյգան գիւղի եկեղեցու վարչութեանն ու մի շարք անհատների՝ եկեղեցին բարեզարդ վիճակում պահելու կապակցութեամբ, իր ուրախութիւնը յայտնեց, առ այն, որ այս տօնը նշեց հոծ թուով ուխտաւորների մասնակցութեամբ:



Ս. Պատարագի ասարտին հաւատացեալները պատարագիչ Քահանայ Հօր ձեռամբ ստացան Ս. Հաղորդութիւն, որից յետոյ թեմակալ առաջնորդի նախագահութեամբ տեղի ունեցաւ ասանդակաւ Խաղողօրհնէքի արարողութիւնը եւ օրհնուած խաղողը բաժանեց ներկաների միջեւ:

Ս. ԱՍՏԻՎՈՎՃՈՆԻ ՎԵՐԱՓՈԽՍԱՂՆ ՏՕՆԸ ՆՈՐ ԶՈՒՂԱՅԻ ԵԿԵՂԵՑԻՆԵՐՈՒՄ

Կիրակի՝ 2015 թականի օգոստոսի 16-ի առաւօտեան, Ս. Կոյս Մարիամ Աստուածածնի վերափոխման տաղաւար տօնի առթիւ սուրբ եւ անմահ Պատարագ տեղի ունեցաւ Նոր Զուղայի Ս. Մինաս եւ Ս. Աստուածածին եկեղեցիներում: Ս. Մինաս եկեղեցում պատարագեց եւ յաւոր պատշաճի քարոզեց արժն. Տ. Վարդան քինյ. Աղաբաբայեանը: Ս. Պատարագի երգեցողութիւնը կատարեցին Ս. Ամենափրկչեան Վանքի «Կոմիտաս» երգչախմբի անդամուհիները:



Սպահանի հայոց թեմի թեմակալ առաջնորդ գերշ. Տ. Բաբգէն արք. Զարեանը նախագահեց Ս. Աստուածածին եկեղեցում տեղի ունեցող արարողութեանը, որի պատարագիչն էր արժն. Տ. Խաչատուր քինյ. Զարգարեանը: Երգեցողութիւնը կատարեց Ս. Ամենափրկչեան Վանքի «Կոմիտաս» երգչախմբի երկրորդ խմբի միջոցով՝ ղեկավարութեամբ խմբավար Արմէն Ամիրխանեանի:



Ս. Կոյս Մարիամ Աստուածածնի վերափոխման տօնը նաեւ Նոր Զուղայի Ս. Աստուածածին եկեղեցու անւանակոչութեան տօնն է: Յընթացս Ս. Պատարագի առաջնորդ Սրբազան Հայրն իր հայրական պատգամն ուղղեց ժողովրդին, ընդ որում հակիրճ կերպով անդրադառնալով Աստուածամայր Ս. Կոյս Մարիամի կեանքին ու կենցա-

ղին՝ որպէս տիպար կին եւ մայր, զոհողութեան եւ նւիրումի խորհրդանիշ: Թեմակալ առաջնորդը նշելով, որ հայ ժողովուրդը յատուկ սէր ու յարգանք է տածում Ս. Կոյսի նկատմամբ, ասաց, որ նոյն այդ սիրոյ դրսեւորումն է այգիների բերքի երախայրիքի ընծայումը Ս. Աստուածածնի վերափոխման տօնին:



Գերշ. Սրբազան Հայրն իր խօսքի մէջ նաեւ անդրադառնալով Ս. Աստուածածին եկեղեցու անւանակոչութեան տօնին, առօրեց առ բարձրեալն Աստուած, որ Նա միշտ անսասան պահի Հայաստանեայց Առաքելական Ս. Եկեղեցին եւ շնորհաւորեց բոլոր այն անձանց, որոնց անւան տօնն էր այսօր:

Սուրբ եւ անմահ Պատարագին յաջորդեց Խաղողօրհնէքի արարողութիւնը: Եկեղեցում ներկայ բազմաթիւ հաւատացեալները տօնի առթիւ եկեղեցուն էին ընծայել խաղողի ողկոյզներ, որոնք օրհնուեցին թեմակալ Առաջնորդի ձեռամբ եւ պատարագիչ Քահանայ Հօր ու դպրաց դասի մասնակցութեամբ, որից յետոյ օրհնած խաղողը բաժանեց ներկաներին:

ՆՈՐ ԶՈՒՂԱՅԻ ՀԱՅՈՑ ԱԶԳԱՅԻՆ «ՔԱՆԱՆԵԱՆ» ԵՒ «ԿԱՏԱՐԻՆԵԱՆ» ՄԻՋՆԱԿԱՐԳ ԴԴՐՈՑՆԵՐԻ ԳԵՐԱԶԱՆՑԻԿ ԱՇԿԵՐՏՆԵՐԻ ՃԱՄԱՐԸ՝ ԹԵՀՐԱՆՈՒՄ

Նոր Զուղայի հայոց ազգային «Քանանեան» աղջկանց եւ «Կատարինեան» տղայոց միջնակարգ դպրոցների տեսչությունների համատեղ նախաձեռնությամբ եւ Սպահանի հայոց թեմի Կրթական խորհրդի հովանաւորութեամբ, այս ամառ եւս տեղի ունեցաւ երրորդ միջնակարգի եւ նախահամալսարանական օղակի թուվ 19 գերազանցիկ աշակերտ-ուհիների գնահատանքի ճամբարը՝ դէպի Թեհրան, որի մեկնումը իրականացւեց երկուշաբթի, յունիսի 29-ի երեկոյեան: Սա երկրորդ տարին է, որ Նոր Զուղայի գերազանցիկ աշակերտների ճամբարը տեղի է ունենում Թեհրանում:



Աշակերտական խմբին ուղեկցող պատասխանատուներին գլխավորում էին զոյգ դպրոցների փոխ-տեսուչներ Ռիմա Սիմոնեանն ու Ռուբէն Գրիգորեանը:

Եռօրեայ այս ճամբարի ընթացքում տեսարժան վայրեր այցելելու եւ յատկապէս քաղաքի հայ համայնքի ու ազգային հաստատութիւնների հետ առաւել ծանօթանալու նպատակով կազմակերպւել էին մի շարք այցելութիւններ, որոնք ոչ միայն հետաքրքիր էին մասնակիցների համար, այլեւ որպէս դաստիարակչական աշխատանք մեծ ազդեցութիւն ունեցան նրանց վրայ:

Մշակւած ծրագրի համաձայն՝ գերազանցիկներն այցելեցին «Նիսաւոան» պալատ-թանգարան եւ մօտիկից ծանօթացան իրանական մշակոյթի այս հատուածին ու պատմութեանը:



Աշակերտները յաճախեցին նաեւ «Ալիք» հաստատութիւն, որտեղ նրանց ջերմ դիմաւորեցին հաստատու-

թեան տնօրինութիւնը, «Ալիք» օրաթերթի խմբագրական կազմն ու աշխատողները՝ աշակերտների մօտ հարազատ տան մէջ գտնելու զգացում առաջացնելով: Պատանի այցելուներին հետաքրքրեց յատկապէս օրաթերթի տպագրման համար տարող աշխատանքը եւ մտաւորական խաւի հետ շփումը: «Ալիք» հաստատութիւնում եղած ժամանակ հանդիպում կայացաւ նաեւ իրանահայ անանի բանաստեղծ Վարանդի հետ, ով խօսեց հայ պոէզիայի ու իր ստեղծագործական կեանքի մասին եւ սպառիչ պատասխաններ տուեց աշակերտների հարցերին:

Կեանքի դպրոց կարելի է համարել «Յակոբեան» հագուստի արդիւնաբերութեան միաւոր կատարած այցելութիւնը, որտեղ աշակերտները հանդիպելով իրանահայ յաջողակ գործարար Սմբատ Յակոբեանին, շատ հետաքրքիր եւ ուսուցողական զրոյց ունեցան նրա հետ: Տպաւորիչ էր յատկապէս այն փաստը, որ պրն. Յակոբեանն իր աշխատանքում առաջադիմել եւ համբաւ է ձեռք բերել՝ իր նպատակասլացութեան, կուրկամքի, կարգապահութեան ու աշխատասիրութեան շնորհիւ:



Ճամբարի մասնակիցները յաճախեցին «Դեյֆինարիում» եւ «Աբ վա աթաշ» նորաճոն խաղերի զբօսայգի, ինչու չէ նաեւ «Միլադ» աշխարհահռչակ աշտարակ, որտեղ ծանօթացան սոյն կոթողի ճարտարապետական յատկութիւններին եւ հմայեցին քաղաքի երեկոյեան հիասքանչ տեսարանով:

Խումբը Նոր Զուղա վերադարձաւ յուլիսի 2-ին, մեծ հետաքրքրութեամբ ընկալելով ուղեւորութեան ընթացքում իրենց հրամցւած տեղեկութիւնները եւ բաւականութիւն ստանալով կազմակերպւած բոլոր ծրագրերից: Խորապէս համոզւած ենք, որ այս ճամբարի գեղեցիկ յուշերը դեռ երկար տարիներ թարմ է մնալու նրանց յիշողութիւններում:

Թեհրան եղած ժամանակահատուածում աշակերտները կեցութիւն էին հաստատել Հ.Մ.Ա.Կ.-ում, ինչի համար իրենց շնորհակալութիւն են յայտնում այս հաստատութեան պատասխանատուներին: Խորին շնորհակալութիւն են յայտնում յատկապէս «Ալիք» հաստատութեան տնօրինութեանն ու անձնակազմին եւ «Յակոբեան» ընկերութեան սեփականատէրերին՝ համագործակցութեան եւ գրկաբաց ընդունելութեան համար:

ԺՄՆՈՒՄՈՒՅՈՒՆ ԶՊԻՇՄԱՆ ԹՎՈՒՄ 7-Ճ, ՍԵՄՔՅԱՆ, ՉԱՅԱՆԻ
ՔՈՐԱՄԱՆԱԳՈՐԾՆԵՐԻ ԵՍՏՈՒՄ Ե. ՉՄՅՈՒՆԻ ԹՎՈՒՄ 7-Ճ



Հայոց Ցեղասպանության 100-ամեակին նվիրած Հայաստանում կայանալիք Հայոց լեզվի եւ գրականության 7-րդ համահայկական օլիմպիադային եւ Հայոց եկեղեցու պատմության մրցոյթին մասնակցելու նպատակով Նոր Զուղայի հայոց ազգային «Քանանեան» դպրոցի 8-րդ դասարանի եւ առաջին, երկրորդ ու երրորդ միջնակարգ բաժնի ընտրեալ աշակերտուհիները, ովքեր ամիսներ շարունակ իրենց ուսուցչուհիներին եւ պատասխանատուների միջոցով զբաղել էին նախապատրաստական աշխատանքով, իրենց ծնողների եւ դպրոցի պատասխանատուների հետ, հինգշաբթի, յուլիսի 16-ին, ներկայացան Ս. Ամենափրկչեան վանք եւ Ծաղկեայ դահլիճում հանդիպում ունեցան Ծահինշահրի հայ համայնքի հոգեւոր տեսուչ հոգժ. Տ. Անանիա վրդ. Գունանեանին: Հանդիպմանը ներկայ էին նաեւ Կրթական խորհրդի ներկայացուցիչները:



Հայր Սուրբը ուրախութեամբ ողջունեց օլիմպիադային մասնակցող աշակերտուհիներին եւ իր օրհնութիւնը տւեց նրանց՝ վստահ լինելով, որ նրանք արժանի կերպով արդարացնելու են իրենց: Նա նաեւ գնահատեց աշակերտուհիների կողքին եղած եւ նրանց պատրաստման համար աշխատած պատասխանատուներին, ուսուցչուհիներին ու ծնողներին:



Մասնակիցներն իրենց տպաւորութիւնները կիսեցին ներկաների հետ եւ շնորհակալական խօսքեր ուղղեցին իրենց ուսուցչուհիներին: Այնուհետեւ օլիմպիադային մասնակցող խմբի ընդհանուր պատասխանատու Ռիմա Սիմոնեանը մանրամասնութիւններ փոխանցեց մասնակցութեան համար տարած նախապատրաստական աշխատանքների մասին:



Հանդիպման ընթացքում հոգժ. Տ. Անանիա վրդ. Գունանեանի ձեռամբ, Հայոց դպրոցի պատասխանատուների պատրաստած նւերով, գնահատուց նաեւ 2014-15 ուսումնական տարեշրջանում Ն.Ջ. Հայոց ազգային «Քանանեան» դպրոցի լաւագոյն աշակերտի կոչումին արժանացած Արիսա Մարգարեանը, ով այս տարի զուգադիպութեամբ մաս է կազմում օլիմպիադային մասնակցող խմբին:

Հոգժ. Տ. Անանիա վրդ. Գունանեանին օրհնութիւնն ստանալուց եւ «Տէր ուղղեա՛ զգնացս» աղօթքն ունկնդրելուց յետոյ, մասնակիցները Ս. Ամենափրկչեան վանքի բակում Հայոց ցեղասպանության զոհերի յիշատակին վեր խոյացած յուշարձանի առջեւ ծաղիկներ մատուցելով՝ իրենց յարգանքը յայտնեցին բիրաւոր նահատակների հոգիներին:

ԺՄՆՈՒՄՈՒՅՈՒՆ ԶՊԻՇՄԱՆ ԹՎՈՒՄ 7-Ճ, ՍԵՄՔՅԱՆ, ՉԱՅԱՆԻ
ՔՈՐԱՄԱՆԱԳՈՐԾՆԵՐԻ ԵՍՏՈՒՄ Ե. ՉՄՅՈՒՆԻ ԹՎՈՒՄ 7-Ճ

Յուլիսի 21-ից մինչեւ 27-ը Աղւերանում, ՀՀ Կրթութեան եւ գիտութեան նախարարութեան նախաձեռնութեամբ տեղի ունեցաւ Հայագիտական համահայկական 7-րդ օլիմպիադան՝ նվիրած Հա-

յոց Ցեղասպանութեան 100-ամեակին, 7 երկրներից ժամանած աշակերտների մասնակցութեամբ:



7-րդ օլիմպիադան ընդգրկում էր հարցեր հայոց լեզուից, գրականութիւնից, հայոց պատմութիւնից եւ հայ մշակոյթի պատմութիւնից, որին զուգահեռ անցկացւեց նաեւ Հայ Եկեղեցու պատմութեան մրցոյթը՝ Մայր Աթոռ Սուրբ Էջմիածնի Քրիստոնէական դաստիարակութեան կենտրոնի հովանաւորութեամբ եւ աջակցութեամբ:

Մրցոյթին մասնակցել էին Նոր Զուղայի հայոց ազգային «Քանա-

նեան» աղջ. դպրոցի 8-րդ դասարանի եւ առաջին, երկրորդ ու երրորդ միջնակարգ բաժնի ընտրեալ 10 աշակերտուհիներ, ուսուցչուհիներ՝ Ռիմա Սիմոնեանի եւ Սեդա Դիլանչեանի գլխաւորութեամբ:

Միջոցառման փակման հանդիսութեան օրը, արդիւնքների ամփոփումից յետոյ, Հայագիտական համահայկական 7-րդ օլիմպիադայի յաղթողը ճանաչւեց Նոր Զուղան իր մասնակիցների ձեռքբերած բացառիկ եւ աննախադէպ մրցանակների թաքսանակի շնորհիւ՝ իրեն վերապահելով օլիմպիադայի եւ հայ եկեղեցու պատմութեան մրցոյթի հինգ առաջին կարգի, երեք 2-րդ կարգի եւ մէկ 3-րդ կարգի մրցանակները: Ասմունք անւանակարգում Նոր Զուղայի աշակերտուհիները նաեւ արժանացել են երկու շնորհակալագրի:



ՆԱՅՈՑ ԾԵՂԱՍՊԱՆՈՒԹԵԱՆ 100-ՐԴ ՏԱՐԵԼԻԾԻՆ ՆԻՒՐԻԱԾ ՏԱՐԱՋՆԵՐԻ ԾՈՒՅԱԴՐՈՒՄ ՆՈՐ ԶՈՒՂ ԱՅՈՒՄ



Միջազգային համբաւ ձեռք բերած սփիւռքահայ մոդելաորող՝ Գէորգ Շադոյեանը, թականիս յուլիսի 9-ին, Նոր Զուղայի Հայ Մ.Մ. «Արարատ» միութեան հանդիսութիւնների դահլիճում ցուցադրեց Հայոց ցեղասպանութեան 100-րդ տարելիցին նիւած իր «Վերածնունդ» տարազների հաւաքածուն, որ ներկայացնում էր 18-րդ դարավերջի եւ 19-րդ դարասկզբի հայկական տարազների ցուցանմուշները:

Հաւաքածուն բաղկացած է Մուշի, Տարօնի, Տրապիզոնի, Սիւնիքի, Արցախի, Խարբերդի, Կիլիկիայի, Զէյթունի, Կարիւնի, Վասպուրականի, Բաղէշի, Սեբաստիայի Գովտուն գիւղի եւ թեմրանահայի կնոջ 26, տղամարդու 8 եւ մանկական 15 տարազների ցուցանը-

մուշներ: Այս բացառիկ եւ իւրօրինակ հաւաքածոյի ցուցադրումը եզրափակւեց Հայոց ցեղասպանութեան 100-րդ տարելիցի խորհրդանիշ անմոռուկ ծաղկի պատկերով ստեղծւած զգեստի ցուցադրումով, որը զուգորդւած էր Մանէ Թահմազեանի կատարմամբ՝ «Դիլ Եաման» երգերով:

«Գէորգ Շադոյեանն իր այս հաւաքածուն ստեղծելու նպատակով շրջել է Հայաստանի տարբեր շրջանները, բոլոր տարազների թանգարանները եւ ուսումնասիրել տպագիր աղբիւրները եւ համադրելով իր վառ երեւակայութիւնն ու աւանդական զգեստների տարբերը՝ կտորի տեսակը, գարդանախշերը եւ գոյները, հնի ու նորի համադրութեամբ ստեղծել է զգեստներ,

որոնցով վերածնունդ է տվել հայկական աւանդական տարազներին»,- նշած էր բացման խօսքում, որով հանդես եկաւ հանդիսավարուհի Մանհա Ղուկասեանը:



Երեկոն հագեցած էր նաեւ «Shadoyan fashion» ապրանքանիշի գիշերային զգեստների հաւաքածոյի տեսանիւթի ցուցադրութեամբ, պարով, ամուսնով եւ երգերով, որոնք կատարեցին Հայաստանից ժամանած մենապարուհի Արիգա Պետրոսեանը, Ն.Ջ. Հայ Մ.Մ. «Արարատ» միութեան Մշակութային միաւորի «Կոունկ» համոյթի ամուսնով Կարէն Խանլարեանը եւ Թեհրանից ժամանած երգիչ Էդարդ եւ գիտարիստ Էդին Աբրահամեան եղբայրները:



Երեկոն ամփոփւեց ձեւագէտ Գէորգ Ծաղոյեանի շնորհակալական խօսքերով ուղղւած կազմակերպիչներին, մոդելներին, մանուկների ծնողներին եւ ծրագրի գեղարւեստական բաժնի պատասխանատուներին ու կատարողներին եւ առանձնապէս իրանահայ Արթուր Ասատրեանին՝ նիւթերը ձեռք բերելու կապակցութեամբ եւ բոլոր աջակիցներին: Նա տեղեկութիւններ փոխանցեց նաեւ «Վերածնունդ» հաւաքածոյի քարոզչական աշխատանքների կապակցութեամբ, ինչն սկսել է Արցախից, ապա Ռուսաստան, Հայաստան, Իրան եւ շարունակելու է Աւստրալիայում, Ֆրանսիայում, Ա.Մ.Ն.-ում եւ այլուր:

Վերջում միութեան Կենտրոնական վարչութեան

նախագահ Մասիս Մինասեանը յուշաներ յանձնեց պրն. Ծաղոյեանին եւ «Նայիրի» միութեան նախագահ Ֆրեդ Աշուղեանին:



Երեկոյի ասարտին ներկաներն այցելեցին դահլիճին կից սրահում կազմակերպւած նշեալ տարազների լուսանկարների ցուցահանդէսը:



Յատկանշելի է, որ Իրանում «Վերածնունդ» տարազների ցուցադրման մեկնարկը տրւել էր Թեհրանում՝ Հայ Մ.Մ. «Նայիրի» միութեան հրաւերով, իսկ նոր Զուղայում՝ Ն.Ջ. Հայ Մ.Մ. «Արարատ» միութեան Մշակութային միաւորի վարչութեան հրաւերով:



Ծրագրի հովանաւորողներն էին Հայոց ցեղասպանութեան 100-րդ տարելիցի ոգեկոչման Նոր Զուղայի Կենտրոնական յանձնախումբը եւ Ն.Ջ. Հայ Կանանց գթութեան միութիւնը, իսկ Իրանում տարազների ցուցադրման հովանաւորողներն էին «Ալիք» հաստատութիւնը, «ice monkey» բնական հիւթերի ընկերութիւնը, «balloon land» ընկերութիւնը եւ «Սաբերան» տուրիստական գործակալութիւնը:

ՏՊՐՈՒՄԻ ԵՄՈՒՆՈՒՄԻ ԵՄՈՒՆՈՒՄԻ ԵՄՈՒՆՈՒՄԻ ԵՄՈՒՆՈՒՄԻ ԵՄՈՒՆՈՒՄԻ

Օգոստոսի 13-ին, Երեւանի Ազատութեան հրապարակում տեղի ունեցաւ Համահայկական ամառային 6-րդ խաղերի փակման հանդիսաւոր արարողութիւնը:

Միջոցառման ընթացքում ՀՀ վարչապետ Յովիկ Աբրահամեանը յանձնեց Համահայկական խաղերի Համաշխարհային կոմիտէի կողմից 6 անուանակարգերում սահմանած յատուկ մրցանակներ:

Մրցանակների շարքում, Նոր Զուղայի մարզական պատփրակութիւնը արժանացաւ «Մարզական ոգի եւ համբերութիւն դրսեւորած պատփրակութիւն» անուանակարգի մրցանակին:



Ի ՕՏՐՉՈՒՆՈՒՄԻ ԵՄՈՒՆՈՒՄԻ ԵՄՈՒՆՈՒՄԻ ԵՄՈՒՆՈՒՄԻ ԵՄՈՒՆՈՒՄԻ

Կիրակի՝ օգոստոսի 30-ին, կառավարութեան շաբաթայն առթիւ, Փերիա գաւառի Բոլորան գիւղում, վերանորոգումից յետոյ վերաբացեց «Խանէ Բեհլաշթ» անուամբ առողջապահութեան կենտրոնը: Եւնքը հիմնական վերանորոգել է եւ կենտրոնն օժտել է մի շարք բժշկական արդիական սարքերով, որոնց համար անհրաժեշտ ֆինանսաւորումները կատարել են երկրի Առողջապահութեան նախարարութեան միջոցով:

հանդէս եկան արժն. Տ. Խաչատուր քինյ. Զարգարեանը, հոջ. Ռաշւանդին եւ պրնյք. Ասֆանանին, Թահանհանգաղէն ու Զանի Նազարեանը: Գաւառապետ Թահանհանգաղէն իր խօսքում խոստացաւ 300 միլիոն ուիալի յատկացում կատարել կենտրոնի շրջափակի բարեկարգման համար: Քահանայ Հայրը Թեմի ազգային իշխանութեան անունից շնորհաւորանքներ փոխանցեց բուժարանի վերաբացման առթիւ եւ շնորհակալութիւն յայտնեց կենտրոնն արդիական սարքերով օժտելու կապակցութեամբ: Իսկ պրն. Նազարեանը շեշտելով, որ երկրի ապահովութիւնից յետոյ կարեւորագոյն խնդիրներից է համարում ժողովրդի առողջապահութեան հարցը, իր ուրախութիւնը յայտնեց Փերիոյ շրջանի մուսուլման եւ քրիստոնէայ բնակիչների միջեւ առկայ խաղաղ գոյակցութեան համար՝ այն լաւագոյն օրինակը համարելով Իրանում տարբեր կրօնների նկատմամբ տածուող յարգանքի:



Բացման հանդիսութեանը ներկայ էին՝ Բուին-Միանդաշթ քաղաքի ուրբաթօրեայ աղօթապետ հոջ. Ռաշւանդին, արժն. Տ. Խաչատուր քինյ. Զարգարեանը, Իսլամական խորհրդարանում Փերիոյ շրջանի պատգամաւոր պրն. Ասֆանանին, Բուին-Միանդաշթ քաղաքի գաւառապետ պրն. Թահանհանգաղէն, առողջապահութեան ցանցի տնօրէն դկտ. Բէլիսային, Սպահանի հայոց թեմի Պատգամաւորական ժողովի Փերիոյ շրջանի պատգամաւոր Զանի Նազարեանն ու գիւղի հայ բնակիչները:



Բուժկենտրոնում ամենօրեայ կարգով ներկայ է լինելու արհեստավարժ բուժանձնակազմ՝ բնակիչների առողջական վիճակին վերահասու լինելու եւ յատուկ ծրագրերի միջոցով գիւղի առողջապահութեան մակարդակը բարձրացնելու նպատակով: Իւրաքանչիւր երեքշաբթի օր այցելելու է մէկ բժիշկ, հիւանդներին բուժելու եւ մասնագիտական խորհուրդներով աշխատանքներին առաւել դիւրին ընթացք տալու համար:

Մուտքի ժապաւէնը հատուց պաշտօնական հիւրերի միջոցով, որից յետոյ ներկաներն առիթ ունեցան ականատեւը լինելու վերանորոգւած շէնքի եւ նոր հանարաւորութիւնների:

Ընորհաւորանքի խօսքով ու բարեմաղթանքներով

ՍՊԱՀԱՆԻ ՀԱՅՈՑ ԹԵՄԻ ԹԵՄԱԿԱԼ ԱՌԱՋՆՈՐԴԻ ՀԵՐԹԱԿԱՆ ԱՅՑԵԼՈՒԹԻՒՆԸ ՇԱՀԻՆՇԱՀՐ

Չորեքշաբթի, 2015 թ. յուլիսի 1-ի առաւօտեան ժամը 10-ին, Սպահանի հայոց թեմի բարեջան առաջնորդ՝ գերշ. Տ. Բարգէն արք. Չարեանը՝ թեմի Կրօնական խորհրդի ատենապետ պրն. Վարուժ Մովսիսեանի ուղեկցութեամբ այցելեց Շահինշահիր, որտեղ հանդիպում ունեցաւ Հայ համայնքի վարչութեան անդամների հետ:



Հանդիպմանը, որին ներկայ էր նաեւ համայնքի հոգեւոր տեսուչ՝ հոգշ. Տ. Անանիա վրդ. Գունանեանը, քննարկեցին համայնքի մի շարք կրօնական հարցեր՝ այդ թում անհրաժեշտ համարեց համայնքի համար նշանակել մնայուն քահանայ՝ համայնքի կրօնական

կեանքն առաւել կարգաւորելու նպատակով եւ աշխատել «Նարեկ» եկեղեցական երգչախմբի թաքսանակը բարձրացնելու ուղղութեամբ: Իսկ ինչ վերաբերում է ուսումնական տարեշրջանի ընթացքում «Սրբոց Վարդանանց» դպրոցում կազմակերպող կիրակնօրեայ դասընթացներին, այսուհետ նշեալ դասընթացները ղեկավարելու են հոգշ. Տ. Անանիա վրդ. Գունանեանի միջոցով՝ դպրոցի Ուսուցչական կազմի համագործակցութեամբ:

Հարկ է նշել, որ անհրաժեշտ համարեց համայնքի ուսանողների համար պարսկերէն լեզուով կրօնի դասընթացներ կազմակերպել՝ ընդհանրապէս հասարակութեան մէջ պարսկական շրջանակներում՝ կրօնական հարցերի կապակցութեամբ ճիշտ եւ սահուն արտայայտելու նրանց ունակութիւնը բարձրացնելու նպատակով:

Սույն նիստի թականը զուգադիպելով հոգշ. Տ. Անանիա վրդ. Գունանեանի ծննդեան տարեդարձին, առիթը պատեհ համարելով, հանդիպման ընթացքում Վարչութեան նախաձեռնութեամբ նշեց նաեւ հոգշ. Հայր Սուրբի ծննդեան տարեդարձը՝ բարձր գնահատելով յիշելի մատուցած կրօնա-բարոյական առաքելութիւնը համայնքում, մաղթելով նրան երկար տարիների առողջ կեանք եւ բեղուն գործունէութիւն: Այդ առիթով տեղի ունեցաւ համեստ հիւրասիրութիւն:

ՈՒՐԱՒ ԺԱՄԱՆՉ Ն.Ջ. ՀԱՅ Մ.Ս. «ԱՐԱՐԱՏ» ՄԻՈՒԹԵԱՆ ՇԱՀԻՆՇԱՀՐԻ ՄԱՍՆԱՃԻՒԴՈՒՄ

Ն.Ջ. Հայ Մ.Ս. «Արարատ» միութեան Շահինշահիրի մասնաճիւղի մարզական միաւորի նախաձեռնութեամբ, յուլիսի 1-ի երեկոյեան ժամը 18:00-ին, անցկացեց ուրախ ժամանց՝ Շահինշահիրի Հայոց ազգային «Սրբոց Վարդանանց» եւ «Մասիս» դպրոցների վեցերորդից ութերորդ դասարանների աշակերտների մասնակցութեամբ:



Մասնաճիւղի վարչութեան անդամները սիրալիր ընդունեցին բոլորին: «Ս. Վարդանանց» դպրոցի փոքր սրահը զարդարել էր փուչիկ-

ներով, տեղադրել էին ծխարձակող եւ գոյնզգոյն լոյսերով սարքեր:

Սկզբում երեխաները ջերմ մթնոլորտում զրոյց ունեցան վարչութեան անդամների հետ՝ իրենց յուզող հարցերի եւ խնդիրների վերաբերեալ: Այնուհետեւ ակտիւօրէն մասնակցեցին կազմակերպւած խաղերին ու մրցութիւններին. յաղթողներին որպէս քաջալերանք յանձնեցին փոքրիկ նւերներ: Երեխաները, չոգնելով ու չձանձրանալով, խնդրում էին կրկնել խաղ-մրցութիւնները: Խնջոյքի ժամանակ երեխաները ուրախ պարեցին եւ ժամանակն անցաւ աննկատ:

Հիւրասիրելով եւ հաճելի երեկոյ անցկացնելով, երեխաները շնորհակալութիւն յայտնեցին եւ ժամը 21:00-ին հրաժեշտ տուցին կազմակերպիչներին՝ իրենց հետ տանելով գեղեցիկ յուշեր:

ԵՐԻՏԱՍԱՐԴՆԱԿԱՆ ԲԱՆԱԿՈՒՄ ՀԱՅՎԱՆԵՆՈՒՄ

Ծափնշահրի Հայ համայնքի վարչութեան նախաձեռնութեամբ, 2015 թականի օգոստոսի 4-ից մինչև 10-ը, համայնքիս երիտասարդ-ուհիների համար հնգօրեայ բանակում էր կազմակերպել դէպի Հայկաշէն, որը ներառւած էր Հայոց ցեղասպանութեան 100-ամեակին:



Սոյն բանակումի 34 մասնակիցը միջնակարգ դպրոցի աշակերտներ եւ համալսարանի ուսանողներ էին, ովքեր Համայնքի վարչութեան կողմից նշանակւած պատասխանատու յանձնախմբի հետ, թականիս օգոստոսի 4-ի երեկոյեան ժամը 10-ին մեկնեցին դէպի Հայկաշէն:

Յանձնախմբի անդամներն էին ընդհանուր պատասխանատու՝ Ռազմիկ Մարկոսեան, ատենապետ՝ Արարատ Աղախանեան, խորհրդատու անդամներ՝ Ալբերտ Մինասքանեան, Գայիանէ Վարդանեան, Մառիթա Վարդանեան, Սքառլետ Խուրավերդեան: Իսկ Համայնքի վարչութեան ներկայացուցիչներն էին Մառիթա

Քեշիշեանը եւ Արիս Դաթեանը: Այս հնգօրեայ բանակումի ընթացքում առիթ ընձեռեց մասնակիցներին աւելի լաւ ճանաչել միմեանց՝ նոր ընկերութիւններ ստեղծել, որն իր հերթին կը նպաստի համայնքում առաւել համերաշխ միջավայր հաստատելու կարեւորագոյն գործին:

Երիտասարդ-ուհիները պատասխանատուների հետ այցելեցին Հայկաշէնի եւ Նուռ քաղաքի հետաքրքիր եւ տեսարժան վայրերը: Միասին ապրեցին հաճելի եւ յիշարժան պահեր, յաճախ հնչեցնելով հայ երգն ու երաժշտութիւնը, որը գրեթէ միշտ անբաժան է հայկական ցանկացած ուրախ հաւաքոյթից:

Բանակումի փակմանը Վարչութեան անունից պրն. Ռազմիկ Մարկոսեանն շնորհակալական խօսք ուղղեց մասնակիցներին՝ աշխոյժ մասնակցութիւն ցուցաբերելու համար եւ բարձր գնահատեց նրանց դրսեւորած կարգապահութիւնն ու յանձնառութիւնը, յոյս յայտնելով որ երիտասարդների միջեւ հաստատւած սէրն ու համակրանքը՝ խթան կը հանդիսանան համայնքի կեանքի փոխ-յարաբերութիւնների առաւել զարգացմանը:

Երիտասարդ-ուհիների անունից օրդ. Նոռա Աղախանեանը, երախտագիտութիւն յայտնեց պատասխանատու յանձնախմբին՝ նրա ցուցաբերած աշխատանքի համար: Վերոյիշեալն իր խօսքի աւարտին շնորհակալութիւն յայտնեց նաեւ Համայնքի վարչութեանը՝ այդ գեղեցիկ առիթը նրանց ընձեռելու համար, յուսալով, որ նմանատիպ բանակումներ յաճախակի կազմակերպուեն:

Ս. ԱՍԻԱԾԱԾՆԻ ՎԵՐԱՓՈԽՄԱՆ ՏՕՆԸ՝ ՇԱՀԻՆՇԱՀՐՈՒՄ



Վիրակի՝ 2015 թականի օգոստոսի 16-ի առաւօտեան, Ծափնշահրի «Սրբոց Վարդանանց» դպրոցի սրահում մատուցեց սուրբ եւ անմահ Պատարագ, Ս. Աստուածածնի Վերափոխման տօնի առիթով՝ արժն. Տ. Վազգէն քինչ. Քէօշկերեանի ձեռամբ: Օրւայ խորհրդին, ինչպէս միշտ, իրենց առատ ներատուութեամբ ներկայ էին համայնքի բարեպաշտ հայորդիները:

Արժն. Քահանայ Հայրք քարոզի պահին անդրադարձաւ Ս. Կոյս Մարիամի ծննդեան, յաւերժ կուսութեան, Աստուածամայր ընտրուելու իրողութեան եւ եր-

կինք փոխադրուելու գլխաւոր հանգրւաններին: Նա իր քարոզում թարկեց Ս. Կոյսի բարեմասնութիւնները, որոնց շնորհիւ Բարձրեալի կողմից արժանացաւ Աստուածամայր լինելու ներկական փառքին: Այնուհետեւ անդրադառնալով խաղողօրհնէքին, ամփոփ կերպով ներկայացրեց հեթանոսական շրջանից ժառանգած ասանդոյթը՝ Ս. Կոյսի Վերափոխման տօնին վերագրուելուն՝ հանդիսանալով Հայոց առաքելական սուրբ եկեղեցու չորրորդ տաղաւար տօնը:

Իր քարոզի աւարտին, արժն. Քահանայ Հայրն աղօթելով, որ Աստուած բոլորին պարգեւի առողջութիւն, յաջողութիւն եւ քրիստոնէական ամուր հաւատ՝ շնորհաւորեց բոլոր նրանց, որոնց անւանակոչութեան տօնն էր եւ շնորհակալութիւն յայտնեց Ծափնշահրի Հայ կանանց եկեղեցասիրաց միութեան անդամներին, դպրաց դասին եւ բոլոր մասնակիցներին՝ իրենց ներկայութեան համար:

Յաւարտ Ս. Պատարագի տեղի ունեցաւ Խաղողօրհնէքի արարողութիւնը եւ Ծափնշահրի Հայ կանանց եկեղեցասիրաց միութեան անդամուհիների համագործակցութեամբ ու դասաւորութեամբ օրհնած խաղողը բաժանեց ներկաներին:

նում գերազանց գնահատականներով: Լիսանսի մակարդակում ուսանելու ընթացքում որպես առնչող գիտաշխատություն՝ Ռուբէնը նախագծել է ստեղծել է ինքնաշարժի վերահսկման էլեկտրոնիկ համակարգ ստուգող թւային սարք: 2011 թականին, մասնակցելով գերլիսանսի մակարդակի մուտքի քննություններին, նրան յաջողում է նաևել կոնկուրսի 291-րդ տեղը եւ ընդունել Սպահանի Պետական Արդիւնաբերական համալսարանի էլեկտրաճարտարագիտութեան ճիւղում՝ հակակշուման թեքումով, որը նույնպէս աւարտել է գերազանց միջինով:

Ռուբէնը որպէս գերլիսանսի աւարտաճառի միջ ուսումնասիրել է մոդելաւորել է արեան գլուկոզայի մակարդակի ազդեցութիւնը մարդու հիւսաձքների վրայ՝ գլուկոզայի մակարդակը օպտիկալ ձեւով չափելու նպատակով: Ծարտարագէտի առաջին գիտը եղել է երրորդ անձի ապահովագրութիւն չունեցող մոտորսիկլետների եւ ինքնաշարժերի երթեւեկութիւնը վերահսկող էլեկտրոնիկ համակարգի ստեղծումը, որը գրանցել է Երկրի կալւածների եւ փաստաթղթերի գրանցման կազմակերպութեան կողմից՝ իրանական 1391 թականին, 77640 գրանցման համարի ներքոյ:

Ռուբէնն ուսանողական տարիներին անհատական գիտաշխատությունների կողքին համագործակցել է մի շարք խմբական հետազոտական աշխատանքներում.

- Անգլիայի «Ֆորմուլա» մրցաշարին մասնակցող

Սպահանի Արդիւնաբերական համալսարանի «Ֆորմուլ» անամբ ինքնաշարժի հիմնական նախագծող խմբին մաս կազմելով՝ նախագծել է ծրագրաւորել է սոյն մեքենայի էլեկտրոնիկ համակարգը:

- Անդամակցելով Սպահանի Պետական եւ Սպահանի Արդիւնաբերական համալսարանների համատեղ հետազոտական խմբին, ակտիւ գործունէութիւն է դերակատարութիւն է ցուցաբերել ինսուլինի աւտոմատ սրկման սարքի նախագրծման եւ օպտիկալ ձեւով արեան գլուկոզայի մակարդակը ճշտող սարքի ստեղծման ծրագրում:

Ռուբէն Մինասեանը գիտական ասպարէզում յաջողութիւններ արձանագրելուց բացի՝ դեռ պատանի հասակից աշխոյժ գործունէութիւն է ծաւալել նախ «Թադէնս Թադէնսեան» պատանեկան, ապա «Ռուբէն» երիտասարդական միութիւններում: Նա անդամակցելով Նոր Զուղայի Հայ Մ. Մ. «Արարատ» միութեան Ուսանողական միաւորին՝ մէկ շրջան ընտրել է սոյն միաւորի վարչութեան անդամ: Ռուբէնը մէկ շրջան եղել է նաեւ Սպահանի հայոց թեմի Երիտասարդական խորհրդի անդամ:

Երիտասարդ ճարտարագէտ-գիտարարը խոստովանում է, որ իր փայլուն յաջողութիւնների համար խորապէս երախտապարտ է իր ծնողներին, ովքեր ջանք չեն խնայել իր դաստիարակութեան, կրթութեան եւ առաջադիմութեան ուղղութեամբ:



ՀԱՅ ՄԱՐԶԻԿՆԵՐԻ ՅԱԶՈՂՈՒԹԻՒՆԸ ՄԱՐՄՆԱՄԱՐԶՈՒԹԵԱՆ ՄՐՅՈՒՄՆԵՐԻՆ



Ուրբաթ՝ օգոստոսի 14-ին, Սպահան քաղաքում կայացաւ մարմնամարզութեան (բադիթիլդինգ) մարզաձեւի Սպահան նահանգի առաջնութիւնը, որի արդիւնքում փայլուն յաջողութիւններ արձանագրեցին նոր-ջու-

ղայեցի երկու մարզիկներ:

Մրցոյթի մեծահասակների բաժնի 65 կ.գ. քաշային կարգում, Էդիկ Մարկոսեանը յաջողեց նաևել ոսկէ մեդալ եւ նահանգի չեմպիոնի կոչումը, իսկ մրցոյթի վե տերանական (վաստակաւորներ) բաժնում՝ Նորիկ Օհանեանը փոխչեմպիոն ճանաչելով՝ արժանացաւ արծաթէ մեդալի:

Էդիկ Մարկոսեանը ծնել է 1983 թականին եւ 15 տարեկան հասակից զբաղել է այս մարզաձեւով, իսկ Նորիկ Օհանեանը, որը ծնել է 1974-ին, շուրջ 6 տարի է, ինչ զբաղում է մարմնամարզութեամբ եւ 2014 թականից սկսել է իր պրոֆեսիոնալ մարզումները: Նրանք իրենց վերապատրաստման պարապմունքներն անց են կացրել «Մասիս» մարմնամարզութեան սրահում՝ Ա կարգի մարզիչ Ռեզա Ծահոխարի վերահսկողութեամբ:

Երկու մարզիկներն էլ թեւակոխելով յաջորդ փուլ՝ իրանական ընթացիկ տարւայ յաջորդ ամիսներին մասնակցելու են երկրի առաջնութեանը:

ՆԻՒՐԱՏԻՈՒԹԻՒՆՆԵՐ

Ն.Ձ.Հայոց Առաֆելական եկեղեցեաց Վարչութեան

Ս. Գէորգ եկեղեցի

- 1,000,000-ական դիալ. Ռոզիկ Պողոս-Ահմադաբադի, Մինաս Գեորգեան, Արէն Բաբումեան, Մագի Հակունեան- Բոլաշեան՝ Էդնա Գրիգորեանի մահուան քառասունքի առթիւ, Ջանէս Գրիգորեան՝ իր ծնողների՝ Սերոբ եւ Հոփիսիկ Գրիգորեանների յիշատակին, Աքրամ

- 500,000-ական դիալ. Մասիս Օրոջեան
- 300,000 դիալ. Յովիկ Ստեփանեան
- 200,000-ական դիալ. Սանդրա Խաչատրեան, Երան Խուդավերդեան
- 100,000 դիալ. Ժանէթ Այազեան

Խաչի գոյգեղու դիմաց

- 200,000 դիալ. Դաւթեան
- 100,000-ական դիալ. Փաթրիշիա Դաւթեան, Դանիէլ Կարապետեան

Ս. Աստուածածին եկեղեցի

- 500,000 դիալ. Քլոդէթ Յարութիւնեանից ի յիշատակ իր մօր՝ հանգուցեալ Ռօզիկ Թորաբեանի

Վարդիչող Խաժակեան-Ղազարեանի յիշատակին

- 600,000 դիալ. Քլար Խաչաբեան
- 300,000-ական դիալ. Ծաղկուշ Խուդավերդեան, Էդիմ Յովսէփեան
- 200,000-ական դիալ. Ս. Մինաս եկեղեցու կանանց յանձնախումբ, Ասլան Սարեան, Վարդուշ Ղազարեան, Յակոբ Մարկոսեան

- 150,000 դիալ. Հակոբ Պետրոսեան
- 100,000-ական դիալ. Յովիկ Խուդավերդեան, Յարութ Բաղդասարեան, Ալբերտ Ղազարեան

Գայիանէ Թորոսեան-Դաւթեանի յիշատակին

- 500,000 դիալ. Աւօ եւ Թագուշ Բաշիկեաններ
- 200,000 դիալ. Միքայէլ Ջոհրաբեան

Գայիանէ Յովսէփեան-Յակոբեանի յիշատակին

- 200,000 դիալ. Լուսիկ Յարութիւնեան
- 150,000-ական դիալ. Լուսիկ Յովսէփեան, Մինաս Թահմազեան, Թորոսեան ընտանիք, Հրանուշ Յակոբեան
- 100,000-ական դիալ. Վարդանուշ Յովսէփեան, Սարօ Ծանբազեան, Սարօ Ծանմիրզայեան, Լուսիկ Միրզախանեան, Ծուշիկ Փանոսեան

Երանուհի Բարդուղեանի յիշատակին

- 500,000-ական դիալ. Նոր Ջուղայի Հայուհեաց Բարեգործական ընկերութիւն, Հայ Ուսում. Չհարմահալ Միութիւն
- 200,000-ական դիալ. Աշխէն Մկրտչեան, Ժորժ եւ Թելմա Հայրապետեաններ
- 100,000 դիալ. Վարուժ եւ Անժել Ղարախանեաններ

Արմիկ Աղանեանի յիշատակին

- 500,000-ական դիալ. Պարգեւ եւ Զարդիկ Բաբումեաններ, Վրէժ եւ Էմիլ Տէր Մարտիրոսեաններ
- 200,000-ական դիալ. Նժդեհ Տէր Մարտիրոսեան, Ժորժ եւ Թելմա Հայրապետեաններ, Նահապետ Մելիքեան, Արքի եւ Մելիքե Բաբումեաններ

Գոգալ Շիրանեանի յիշատակին

- 500,000-ական դիալ. Փերիոյ Կորթասիրաց Միութիւն, Ռազմիկ Տէր-Գրիգորեան
- 150,000 դիալ. Գրիշ եւ Վարդուհի Քալանթար Օհանեաններ
- 100,000-ական դիալ. Սոնիկ Կիրակոսեան, Լորիկ Բաղդասարեան, Լալա Բաղդասարեան, Օդէթ Բաղդասարեան, Սթելա Դիլանջեան

Մուշեղ Ղարիբեանի յիշատակին

- 1,500,000 դիալ. Սուրէն Դիլանջեան

- 500,000-ական դիալ. Յարութ Յակոբեան, Վարուժ Ղարիբեան, Հրայր եւ Քարմէն Ղարիբեաններ

- 300,000-ական դիալ. Մասիս Դիլանջեան, Տիգրանուհի Ղեւեան, Յովսէփ Ղարիբեան, Վարուժ եւ Սթելա Վարդանեաններ, Ժիրայր եւ Մելիքէ Ղարիբեաններ, Մասիս եւ Ալդա Մինասբանեաններ, Վարդուշ Ղազարեան- Դիլանջեան, Սոնիա եւ Սեւան Դիլանջեաններ

- 250,000 դիալ. Գրիշ Դիլանջեան
- 240,000 դիալ. Վոլգա Ղարիբեան
- 200,000-ական դիալ. Կանանց հոգեւոր յարան եւ Ծուշանիկ երգչախումբ, Սթելա Ղարիբեան, Սիմիկ Ղարախանեան, Հրաչիկ Ղարիբեան, Յարութ եւ Հակոբ Քեշիշեաններ, Մարօ Ղարիբեան- Բաղումեան, Անուշ Ղարիբեան, Հակոբ ու Հրանուշ Ղարիբեաններ, Ժորժ եւ Թելմա Հայրապետեաններ, Ռիմա Դիլանջեան, Աղանի Ղարիբեան, Ռազմիկ եւ Աստղիկ Դիլանջեաններ
- 150,000-ական դիալ. Մասիս Քեշիշեան, Սիլվարդ Թորոսեան, Խաչիկ Յովսէփեան
- 100,000-ական դիալ. Գառնիկ Հայրապետեան, Արտուշ եւ Ֆրիդա Ղարիբեաններ, Ժենիկ Յակոբեան, Սոնիկ Կիրակոսեան, Պողոս եւ Վալենթին Ղարիբեաններ, Վարուժ եւ Անժել Ղարախանեաններ, Անդրանիկ եւ Անահիտ Յարութիւնեաններ

- 50,000 դիալ. Բաղդասար Դիլանջեան

Մասիս Մինասեանի յիշատակին

- 500,000-ական դիալ. Վիգէն եւ Յասմիկ Յարութիւնեաններ, Սուրէն Մինասեան
- 300,000 դիալ. Զաւէն Փանոսեան
- 200,000-ական դիալ. Հենրիկ Եղսանեան, Սերոժ եւ Պերճիկ Յովհաննիսեաններ, Բաղդասար Ծանձազարեան, Վարդան Մինասեան, Համլետ Մինասեան

- 100,000-ական դիալ. Աւուկ եւ Սանդրա Խուդաբախշեաններ, Մարօ Ղարիբեան, Ալբերտ Թահմազեան, Հրաչ եւ Սաթօ Սիմոնեաններ

Վանուշ Տէր Յովհաննիսեան-Հայրապետեանի յիշատակին

- 5,000,000 դիալ. Հմայեակ Նաւասարդեան
- 2,000,000 դիալ. Հենրիկ եւ Էլիզ Մովսիսեաններ
- 1,000,000 դիալ. Սերոժ եւ Մարօ Տէր Յովհաննիսեաններ
- 500,000 դիալ. Վարուժ Ղարախանեան
- 300,000 դիալ. Վարուժ եւ Սթելա Վարդանեաններ
- 200,000-ական դիալ. Երանդ Պողոսեան, Ռիմա Դիլանջեան, Հայկ Հայրապետեան

Հանգուցեալ Ստեփան Ղազարեանի յիշատակին

- 600,000 դիալ. Արաքս եւ Քլար Խաչաբեաններ
- 300,000 դիալ. Յակոբ Մարկոսեան
- 150,000 դիալ. Ասլան Սարեան

Հայկանուշ Ուղուրեան-Սէթաղայեանի յիշատակին

- 500,000 դիալ. Ն.Ջ. Հայուհեաց բարեգործական ընկերութիւն

Սպահանի հայոց բեմի Կրթական խորհուրդ

- 15,000,000 դիալ. Անուշաւան Կիրակոսեան՝ իր մօր՝ Գոգալ Ծիրանեան-Կիրակոսեանի յիշատակին

Օանր հիւանդների օժանդակութեան ֆոնդ

- 20,000,000 դիալ. Յաւերժիկ Կարապետեան՝ իր ամուսնու՝ Հայրիկ (Աւագ) Կարապետեանի յիշատակին
- 15,000,000 դիալ. գաւակներ՝ Հայրիկ (Աւագ) Կարապետեանի յիշատակին
- 1,000,000-ական դիալ. Ն.Ջ. Հայոց ազգ. «Քանանեան» դարոց՝ հանգուցեալ Էլիփրա Ղազարեանի յիշատակին, Մուկուշ Չհարմահալի՝ Հայրիկ (Աւագ) Կարապետեանի յիշատակին

Ն. 2. Հայուհեաց բարեգործական ընկերություն

- 5,000,000 ուսումնական Կիրակոսեան՝ իր մօր՝ Գեորգյալ Ծիրանեանի յիշատակին
- 3,000,000 ուսումնական Ծաղկուշ Համբարչեան
- 1,500,000 ուսումնական Ռուբէն եւ Անի Գրիգոր-Խաչիկեան
- 1,400,000 ուսումնական Մի խումբ երիտասարդուհիներ
- 1,000,000 ուսումնական Յասմիկ Դաւթեան՝ իր ամուսնու՝ Ռուբէն Դաւթեանի յիշատակին
- 500,000 ուսումնական Արաքս Պօղոսեան՝ Երան Բարդուղեանի յիշատակին

Մայրերի օրւայ առթիւ

- 3,000,000 ուսումնական Սպահանի հայոց թեմի Կրօնական խորհուրդ
- 1,000,000 ուսումնական Հայ դատի յանձնախումբ
- 500,000-ական ուսումնական Ն.Ջ. Հայ կանանց գթութեան միութիւն, Օրեթ Բաղդասարեան, Մագի Հայկունեան,
- 300,000-ական ուսումնական Փերիոյ կրթ. միութիւն, Հայ ուս. Չհարմահալ միութիւն
- 200,000-ական ուսումնական Ն.Ջ. Հայոց ազգային կրթահամալիր, Վանէ Թահմազեան, Վեհանուշ Խուրաբախչեան, Նարեգա Սիմոնեան, Վազրիկ եւ Քառոյին Վարդանեաններ

Քառասուն մանկանց տօնի առթիւ

- 400,000 ուսումնական Երան Բարդուղեան
- 300,000 ուսումնական Մագի Հայկունեան
- 100,000-ական ուսումնական Սոնիկ Կիրակոսեան, Արմինէ Խաչիկեան, Անահիտ Յարութիւնեան

Ն.2. Հայ կանանց գթութեան միութիւն

Ազգային Ծերանոց

- 2,000,000 ուսումնական Վահէ
- 1,310,000 ուսումնական ոմն
- 1,000,000-ական ուսումնական Ծաղկուշ Համբարչեան, Արամազդ Խաչեան, Քառոյին եւ Վարոս Խուրաբախչեաններ
- 850,000 ուսումնական Արազ Մարտիրոսեան
- 640,000 ուսումնական ոմն
- 500,000-ական ուսումնական Տիգրանուհի Ղեւեան, Մագի Հայկունեան՝ Էդնա Տէր-Գրիգորեանի յիշատակին, Սոնիա եւ Արմոնդ Փանոսեաններ՝ Ժուլիէթ Լալազարեանի յիշատակին, Բանիթաբա «Դանլի» ընկերութիւն՝ Երանուհի Բարդուղեանի յիշատակին, Անժել Անդրիասեան՝ Կարապետ եւ Մարգարիտ Անդրիասեանների յիշատակին, Օսան Ղարախանեան՝ իր եղբոր՝ Սամէլ Ղարախանեանի յիշատակին, Եղոս Ներսիսեան, Ալդա Մարկոսեան
- 350,000-ական ուսումնական Ժուլիէթ Սէթ-Աղայեան
- 300,000-ական ուսումնական Նարդ Խաչեան, Տիգրանուհի Ղեւեան, Ժանեթ Խաչատրեան
- 220,000-ական ուսումնական Էլիզ Մարտիրոսեան, Սոֆիկ Պօղոսեան

- 200,000 ուսումնական Յարութ Բեշիշեան
- Սեդանի ծածկոցներ. Արաքս Բարսեղեան
- Սննդամթերք. Հայոց ազգային «Կատարիեան» դպրոց, Հայոց ազգային «Արմէն» կրթահամալիր, Հայոց ազգային «Քանանեան» դպրոց, «Շուշանիկ» երգչախումբ, Ժանեթ Խուրաբախչեան, Լուսինա Ասատրեան, Շուշան եւ Թագուհի, Անահիտ Մարտիրոսեան, Արուսիկ Ծահրազեան, Ժանեթ Ալեքսանդրեան, Արաքս Թահմազեան, Լորեթա Գալստեան, ծաղիկներ Հայկուշ Ծատրեան, Աննիկ եւ Արեգնազ Տէր-Ասանիսեաններ, Սոնա Թումաթարեան, Սուլթան Թորոսեան, Նարինէ Ղազարեան, Արմինէ Կարապետեան՝ գործընկերուհիներով, Վարդան եւ Վուգա Յակոբեան, Ժենիկ Յակոբեան, Սամսոն Ջարգարեան, Արաքս Թահմազեան, Հայուհի Ղարախանեան, Վերժիկ եւ Արմինէ Թորոսեաններ, Հելեն Զեդուշեան եւ Փաօլա Սախարեան՝ մայրերի օրւայ առթիւ՝ Նագիկ Խախանեանի յիշատակին, Ժանո Ալեքսանդրեան՝ մայրերի տօնի առթիւ՝ Նագիկ Խախանեանի յիշատակին, Վալերիկ Ղարախանեան՝ Հրանդ Յովհաննիսեանի տարելիցի առթիւ, Ժենիկ Տէր-Գրիգորեան՝ հոգեծաշ՝ Էդնա Տէր-Գրիգորեանի յիշատակին, ոմն

Հայ ուս. Զհարմահալ միութեան Ն.2. մասնաճիւղ

- 500,000-ական ուսումնական Երանուհի Բարդուղեան, Հոխիսիկ Ալազեան, Ովսաննա Ղարախանեան
- 300,000 ուսումնական Էմիկ Բալեան
- 100,000 ուսումնական Աննիկ Ալեքսանդրեան

Օերիոյ կրթ. միութիւն

- 5,000,000 ուսումնական Ազնիւ Կիրակոսեան՝ իր մօր՝ Գեորգյալ Ծիրանեան-Կիրակոսեանի յիշատակին

Ճահիկահիի Հայ Համայնի Վարչութիւն

- Հայոց դպրոց**
- 500,000-ական ուսումնական Նարեկ եւ Նայիրի Հախանազարեաններ
- Անվճար նորութիւն Հայոց դպրոցի ջրագովացուցիչ սարքի (1,200,000 ուսումնական արժողութեամբ) Յունան Դեմքաշեան

Հ.Հ. անկախութեան 97-ամեակի տօնակատարութիւն

- 10,000,000-ական ուսումնական Սպահանի հայոց թեմի Թեմական խորհուրդ

Վերափոխումն Ս. Աստուծածնի տօնի առթիւ

- 100,000-ական ուսումնական Սոնիկ Յակոբեան, Սեդա Բարսեղեան, Մագի Յարութիւնեան, Լուսիկ Միրզախանեան
- 150,000 ուսումնական Պրն. Մատթէոս Ծահրազեան
- 200,000-ական ուսումնական Մատինա Ծահրազարեան, Ծարբաթ Խուրաբախչեան, Յովհաննէս Խուրաբախչեան, Հրաչիկ Ալեքսանդրեան
- 500,000 ուսումնական Յովհաննէս Թահմազեան եւ Հայկանուշ Ադամեան
- 1,000,000 ուսումնական Յովսէփ եւ Բաֆֆի Փուլադեաններ

Առաջնորդարանին եւ ազգային կառույցին առնչուող լուրերն ու թղթակցութիւնները պատրաստում է Ազգային Առաջնորդարանի Հանրային Կապի գրասենեակը, համայնքային եւ կրօնական արարողութիւններին վերաբերող լուրերը՝ «Ալիք»-ի թղթակցները, «Արարատ» Միութեան առնչուող լուրերը՝ օրդ. Երանուշ Թահմազեանը, իսկ Շահինշահի հայ համայնքին վերաբերող տեղեկութիւնները՝ տկն. Վիտելի Յարութիւնեանը:

Որոշ ծրագրերի լուսանկարները տրամադրւում է պրն. Գեւորգի Խաչատրեանը:

ՄԵՐ ՀԱՍՅԷՆ
 خلیفه گری ارامنه اصفهان و جنوب ایران
 صندوق پستی ۸۱۷۳۵/۱۱۵
 Armenian Cathedral - P.O.Box 81735-115
 New - Julfa, Isfahan, Iran
WWW.Norjugha.ir
WWW.Vank.ir
 E-mail: Sourbv@Yahoo.com
 Tel: +98-31-36243471-2
 Fax: +98-31-36270999



1915 ՀԱՅՈՑ ՑԵՂԱՍՊԱՆՈՒԹԵԱՆ
100-ՐԴ ՏԱՐԵԼԻՑ

